

Anexo 1: Splicacion relaciona cu ciere di scol

Despues cu e noticia cu lo cera scol awe nos a ricibi hopi pregunta. Den cuadro di transparencia, ta na su lugar pa splica precies con a yega na tal decision y asina kita tur duda.

Diabierna siman pasa DVG/JGZ a pone henter un klas den cuarentena despues cu na comienzo di siman a pone un alumno den cuarentena y mas despues dos mucha a haya resultado positivo. E mandamento di e klas cas na e momento ey ta un procedura di seguridad di scol. Ayer tardi, dos docente a raporta, casi pareu, cu nan resultado ta positivo. Na e momento ey a bolbe tuma contacto cu DVG/JGZ. Prome cu nan por duna un conseho, nan mester haci un investigacion di contacto. Esey ta costa tempo. Mientras tabata spera riba e conseho, a tuma contacto cu Inspector di Enseñansa y Bureau di Minister pa informa nan di e situacion reinante. No ta toca rectorado of directiva di SVOA pa tuma un decision asina.

Banda di 8.30pm a haya un conseho definitivo du DVG/JGZ pa cera scol pa un dia so. Despues di esaki, a informa tur hende di biaha.

Pa mas claridad, aki nos ta comparti e conseho di DVG/JGZ:

A pesar di tur e medidanan cu scol a tuma pa preveni COVID-19, recientemente tin alumno y dos docente cu resultado positivo di PCR. Ta fastioso pa identifica unda e brote di e infeccion aki ta. Hopi klas y docente ta uza e lokaalnan. Tambe ta posibel cu e personanan por a infecta den situacion priva. Di e personanan malo a ricibi informacion cu ken nan tabata tin contacto estrecho. Contacto estrecho ta encera contacto cu persona dentro di 1.5 meter di distancia y pa mas cu 15 minuut. A tuma contacto cu e personanan aki y nan ta den cuarentena.

Desafortunadamente asina mes a surgi un situacion inrankilo. Pa miedo di contagio, henter un klas, den cual tabata tin dos alumno cu a test positivo, a raporta malo. Esaki no tabata necesario.

Pa evita inrankilidad y frena plamamento di COVID-19, lo siguiente ta importante:

- 1. Pa tur alumno y docente ta ta importante pa nan ta alerta pa e sintomanan relaciona cu COVID-19. Si un hende desaroya sintoma, ta importante pa e no bin scol, pero e laga test pa COVID-19. E persona aki tin cu keda cas te ora su resultado ta conoci.*
- 2. E (mayornan di e) alumnonan y e docentenan cu tin salud delicado (manera enfermedad cronico) mester ta atento pa e sintomanan di COVID-19.*
- 3. Lo limpia e scol a fondo y desinfecta e superficienan. Esaki lo tuma lugar dialuna 14-12-2020. E reaunda e lesnan na scol dia 15-12-2020. Esaki ta conta tambe pa e alumnonan di e docentenan cu a test positivo.*
- 4. Cu excepcion di e klas cu ta den cuarentena, no tin motibo pa mantene e otro klasnan of docentenan den cuarentena.*

Mi ta spera cu e descripcion a percura pa claridad y cu a kita gran parti di preocupacion. Solamente hunto nos por percura pa nos scol ta keda un den un ambiente sigur. P'ese y ta importante pa nos mantene nos mes na tur e medidanan:

- Keda cas di bo ta sinti malo y tuma contacto cu bo dokter di cas.
- Bisti un tapaboca na scol den lokaal. Pafor por kita e tapaboca durante cu ta come y bebe, si mantene un distancia di 1.5 meter di otro persona.
- Na entrada di un lokaal, tur alumno ta desinfecta nan stoel y mesa.
- Durante pauze ta habri bentana pa laga aire pasa den e lokaal.